



Broj: 14-04-687/25
Sarajevo, 31.01.2025. godine

Na osnovu člana 17. stav (2) Zakona o javnim nabavkama („Sl. glasnik BiH“, broj: 39/14, 59/22 i 50/24), člana 79. Statuta Grada Sarajeva („Službene novine Kantona Sarajeva“, broj: 7/23), a u skladu sa usvojenim Budžetom Grada Sarajeva za 2025. godinu („Sl. Novine Kantona Sarajeva“, broj: 2/25) od 16.01.2025. godine, na prijedlog Stručne službe za poslove kabineta i poslove Gradske uprave - Odjeljenja za javne nabavke, gradonačelnik Grada Sarajeva donosi

PLAN JAVNIH NABAVKI

ZA 2025. GODINU

I

Grad Sarajevo će provođenjem postupaka javnih nabavki osigurati:

- a) najefikasniji način korištenja javnih sredstava s obzirom na svrhu i predmet javne nabavke;
- b) izvršenje nabavke i dodjeljivanje ugovora o javnoj nabavci, u skladu sa postupcima utvrđenim Zakonom o javnim nabavkama BiH i podzakonskim aktima;
- c) poduzimanje svih potrebnih mjera kako bi se osigurala pravična i aktivna konkurencija među potencijalnim dobavljačima, uz ostvarivanje jednakog tretmana, nediskriminacije i transparentnosti.

II

Postupci javnih nabavki za 2025. godinu će se provoditi u skladu sa sljedećim aktima:

1. Zakon o javnim nabavkama BiH („Službeni glasnik BiH“, broj 39/14, 59/22 i 50/24);
2. Pravilnik o formi garancije za ozbiljnost ponude i izvršenje ugovora („Službeni glasnik BiH“, broj 90/14);
3. Pravilnik o uspostavljanju i radu komisije za nabavke („Službeni glasnik BiH“, broj 103/14 i 49/23);
4. Pravilnik o provođenju zajedničke nabavke, centralizovane nabavke i uspostavljanju centralnog nabavnog organa („Službeni glasnik BiH“, broj 29/24);
5. Pravilnik o uslovima i načinu korištenja e-Aukcije („Službeni glasnik BiH“, broj 80/23);
6. Pravilnik o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“, broj 2/23);
7. Pravilnik o praćenju postupaka javnih nabavki („Službeni glasnik BiH“, broj 72/16);
8. Pravilnik o obuci službenika za javne nabavke („Službeni glasnik BiH“, broj 8/18 i 31/23);
9. Pravilnik sa popisom ugovornih organa po kategorijama koji su obavezni primjenjivati Zakon o javnim nabavkama („Službeni glasnik BiH“, broj 21/15);
10. Pravilnik o finansiranju istraživanja, razvoja i unapređenja sistema javnih nabavki u Bosni i Hercegovini („Službeni glasnik BiH“, broj 65/23);
11. Pravila o postupku registracije korisnika na portal javnih nabavki („Službeni glasnik BiH“, broj 30/23);
12. Uputstvo o uslovima i načinu objavljivanja obavještenja i dostavljanja izvještaja u postupcima javnih nabavki na portalu javnih nabavki („Službeni glasnik BiH“, broj 80/22);
13. Uputstvo za pripremu modela tenderske dokumentacije i ponuda („Službeni glasnik BiH“, broj 90/14 i 20/15);
14. Zapisnik o otvaranju ponuda i Uputstvo o načinu vođenja zapisnika o otvaranju ponuda („Službeni glasnik BiH“, broj 90/14);

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



15. Odluka o korištenju jedinstvenog rječnika javnih nabavki („Službeni glasnik BiH“, broj 54/15);
16. Pravilnik o javnim nabavkama u organima Grada Sarajeva, broj: 01/14-1856/23 od 05.05.2023. godine;

III

Plan javnih nabavki Grada Sarajeva za 2025. godinu sadrži sljedeće podatke koji su prikazani tabelarno i to:

- a) naziv predmeta javne nabavke;
- b) brojčanu oznaku i naziv predmeta nabavke iz JRJN;
- c) vrstu postupka;
- d) da li se predmet dijeli na lotove;
- e) vrstu ugovora;
- f) da li će biti zaključen ugovor o javnoj nabavci ili okvirni sporazum;
- g) period trajanja ugovora o javnoj nabavci ili okvirnog sporazuma;
- h) procijenjenu vrijednost nabavke;
- i) okvirni datum pokretanja postupka javne nabavke;
- j) izvor finansiranja;
- k) dodatne napomene/opis budžetske pozicije.

Za otvorene postupke i konkurentske zahtjeve za dostavu ponuda, a koji za kriterij odabira najpovoljnije ponude ima „*najnižu cijenu*“, biće provedena e-Aukcija.

IV

- 1) Za sve nabavke predviđene ovim Planom javnih nabavki, obaveza je donošenja odluka o pokretanju postupka javne nabavke u formi i sadržaju, a u skladu sa odredbama člana 18. Zakona o javnim nabavkama.
- 2) Za nabavke koje nisu predviđene ovim Planom, donosi se posebna odluka o pokretanju postupka javne nabavke kojom se mijenja Plan javnih nabavki.
- 3) Posebna odluka o pokretanju postupka javne nabavke sadrži sve podatke taksativno navedene u tački III ovog Plana.
- 4) Sve izmjene i dopune Plana javnih nabavki objavljuju se na portalu javnih nabavki.

V

- 1) Sredstva predviđena za neplanirane nabavke mogu se koristiti na osnovu pojedinačne posebne odluke koju donosi gradonačelnik, a na osnovu obrazloženog zahtjeva o neophodnosti nabavke, postojanju vanrednih okolnosti, te osnovanosti nabavke koja se nije mogla predvidjeti u vrijeme donošenja Plana javnih nabavki.
- 2) Neplanirane javne nabavke bit će predmet Rebalansa Budžeta.

VI

Za sve nabavke na koje se ne primjenjuje Zakon o javnim nabavkama, obaveza je donošenja odluka o izuzeću u skladu sa članom 10. Zakona o javnim nabavkama.

VII

Plan javnih nabavki stupa na snagu danom donošenja.

GRADONAČELNIK

Predrag Puharić